



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiariam, ac loca quædam vicina

**Hund, Wiguleus**

**Monachii, 1620**

Confirmatio sanctissimi Domini nostri Alexandri Papae priuilegiorum  
Monasterij.

**urn:nbn:de:hbz:466:1-13591**

nostram protectionem recepimus & defensionem, ut quicumque eandem Ecclesiam in bonis suis grauare praesumpserit, nobis factum esse reputamus. Vestrae ergo mandamus vniuersitati firmiter iniungentes, ut si quis hominum antedictum coenobium in redditibus suis grauet, vel molestare praesumat, loco nostri defendatis. Decimam vero quam ipsis contulimus, officialibus nostris praecipimus, ut eis primo de bonis nostris soluant, quicumque officialium nostrorum hoc neglexerit, nostram sentiet offensam & indignationem. Tibi vero iudici sub obtentu nostrae beneuolentiae praecipimus, ut si apud te pro aliquo debito ipsis soluendo aliquam deposuerint quaerimoniam, ipsi debitum exhibeas iustitiam & satisfactionem plenariam. Quod si non feceris, de nostra bona est voluntate & licentia, ut per diuina ipsos compellant ad soluendum.

Confirmatio omnium bonorum & priuilegiorum per

Martinum Papam V.

**M**artinus Episcopus seruus seruorum Dei, dilectis filiis Praeposito & Conuentui Monasterij S. Zenonis extra muros oppidi *Reichenhalle*, per Praepositum soliti gubernari, ordinis S. Augustini *Salisburgensis* Diocesis, salutem & apostolicam benedictionem. Cum a nobis petitur quod iustum est & honestum tam vigor aequitatis, quam ordo exigit rationis, ut id per sollicitudinem officij nostri ad debitum perducatur effectum. Eapropter dilecti in Domino filij vestris iustis postulationibus grato concurrentes assensu, omnes libertates & immunitates a praedecessoribus nostris Romanis Pontificibus, siue per priuilegia, siue alias indulgentias, vobis & monasterio vestro concessas, nec non libertates & exemptiones secularium exactionum a Regibus & Principibus, vel aliis Christi fidelibus rationabiliter vobis & monasterio praedicto, sicut eas iuste & pacifice obtinetis, vobis & per vos eidem monasterio auctoritate apostolica confirmamus & praesentis scripti patrocinio communitimus. Nulli ergo omnino hominum liceat hanc paginam nostrae confirmationis & communicationis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei & beatorum Petri & Pauli Apostolorum eius se noverit incursum. Datum *Romae* apud sanctos Apostolos, V. Idus Octobris, Pontificatus nostri anno vndecimo.

Confirmatio sanctissimi Domini nostri Alexandri Papae  
priuilegiorum Monasterij.

**A**lexander Episcopus seruus seruorum Dei, dilectis filiis Praeposito & Conuentui Monasterij S. Zenonis prope oppidum *Reichenhall* per Praepositum soliti gubernari, ordinis S. Augustini *Salisburgensis* Diocesis salutem & apostolicam benedictionem. Cum a nobis petitur quod iustum est & honestum, tam vigor aequitatis quam ordo exigit rationis, ut id per sollicitudinem officij nostri ad debitum perducatur effectum. Eapropter dilecti in Domino filij vestris iustis postulationibus, grato concurrentes assensu, personas vestras & locum in quo diuino estis obsequio mancipati, cum omnibus bonis quae in praesentiarum rationabiliter possidetis, aut in futurum iustis modis praesente Domino poteritis adipisci, sub B. Petri protectione suscipimus, atque nostra, omnes quoque libertates & immunitates a praedecessoribus nostris Romanis Pontificibus, siue per priuilegia vel alia indulta vobis & Monasterio vestro concessas, nec non libertates & exemptiones secularium exactionum a Regibus & Principibus, ac aliis Christi fidelibus vobis & eidem monasterio rationabiliter indultas, specialiter autem

decimas



decimas, primitias, fructus, redditus, prouentus, Dominia, domos, terras, vineas, hortos, prata, pascua, syluas, nemora, possessiones, molendina, jura, jurisdictiones, & alia bona ad Monasterium prædictum spectantia, necnon parochiales & sine cura Ecclesias, quas eidem Monasterio vnitas siue incorporatas existere, & vos in vsus proprios canonicè obtinere asseritis, sicut ea omnia, justè & pacificè possidetis, vobis & per vos eidem Monasterio auctoritate apostolica confirmamus, & præsentis scripti patrocinio communimus, salua in prædictis decimis moderatione Concilij generalis. Nulli ergò omnino hominum liceat hanc paginam nostræ susceptionis, confirmationis, & communionis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei & beatorum *Petri & Pauli* apostolorum eius se nouerit incursum. Datum *Rome* apud sanctum *Petrum*, Anno Incarnationis Dominicæ Millesimo, quadringentesimo, nonagesimo secundo, Decimo septimo Calendas Aprilis. Pontificatus nostri anno primo.

Confirmatio Priuilegiorum Monasterij *D. Zenonis*, per  
*Innocentium octauum.*

**I**NNOCENTIUS Episcopus seruus seruorum Dei, dilectis filiis Præposito & Conuentui Monasterij *S. Zenonis* propè oppidum *Reichenhall*, per Præpositum soliti gubernari, ordinis *S. Augustini Salisburgensis* Diocæsis, salutem & apostolicam benedictionem. Cum à nobis petitur quod justum est & honestum, tam vigor equitatis quàm ordo exigit rationis, vtid per sollicitudinem officij nostri ad debitum perducatur effectum. Eapropter dilecti in Domino filij, vestris justis postulationibus grato concurrentes assensu, omnes libertates & immunitates à prædecessoribus nostris Romanis Pontificibus, siue per priuilegia vel alia indulta, vobis & monasterio vestro concessas, necnon libertates & exemptiones secularium exactioem à Regibus & Principibus, ac aliis Christi fidelibus vobis & eidem Monasterio rationabiliter indultas, specialiter autè decimas, primitias, fructus, redditus, prouentus, domos, terras, hortos, vineas, prata, pascua, syluas, nemora, possessiones, molendina, aliaq; mobilia & immobilia bona, ad dictum monasterium spectantia, sicut ea omnia justè & pacificè possidetis, vobis & per vos eidem monasterio auctoritate apostolica confirmamus, & præsentis scripti patrocinio communimus, salua in prædictis decimis moderatione Concilij generalis. Nulli ergò omnino hominum liceat hanc paginam nostræ confirmationis & communionis infringere, vel ei ausu temerario contraire. Si quis autem hoc attemptare præsumperit, indignationem omnipotentis Dei ac beatorum *Petri & Pauli* Apostolorum eius se nouerit incursum. Datum *Rome* apud *S. Petrum*, anno Incarnationis Dominicæ Millesimo, quadringentesimo, octuagesimo sexto, tertio Nonas Iulij. Pontificatus nostri anno secundo.

Confirmatio omnium bonorum Monasterij per  
*Leonem Papam X.*

**L**EO Episcopus seruus seruorum Dei, dilectis filiis Præposito & Conuentui Monasterij *S. Zenonis* per Præpositum soliti gubernari, propè & extra muros oppidi *Reichenhall* Canonicorum Regularium ordinis *S. Augustini Salisburgensis* Diocæsis, salutem & apostolicam benedictionem. Cum à nobis petitur quod justum est, tam vigor equitatis, quàm ordo exigit rationis, vtid per sollicitudinem officij nostri ad debitum perducatur effectum. Eapropter dilecti in Domino

*Metrop. Salisb. Tom. III.*

XX 2

filij,